



TENGKU ABDULLAH SULTAN AHMAD SHAH dan Tunku Azizah Aminah Maimunah Iskandariah bersama penerima anugerah dalam majlis Anugerah Cendekia Bitara 2017 Universiti Malaysia Pahang (UMP) di Hotel Zenith, Kuantan, Pahang, baru-baru ini.

ACB UMP iktiraf penyelidikan

(KUALA MALAYSIA 11 APRIL 2018) 11 APRIL 2018 (RABU) 11/5/18

KUANTAN **10 April** - Anugerah Cendekia Bitara (ACB) 2017 anjuran Universiti Malaysia Pahang (UMP) adalah satu medan pengiktirafan berprestij kepada kecermerlangan pencapaian kakitangan akademik dan penyelidik di universiti itu.

Pemangku Raja Pahang, Tengku Abdullah Sultan Ahmad Shah bertitah, sejak penganjuran edisi sulungnya pada 2008, baginda dapat melihat perkembangan yang positif dalam dunia penyelidikan.

"Saya melihat peningkatan signifikan dalam konteks kualiti pencapaian para akademik dan penyelidik universiti ini dalam lapangan penyelidikan, inovasi, pengkomersialan, penerbitan serta kreativiti.

"Saya turut tertarik untuk mengemukakan beberapa pandangan mengenai hala tuju strategik UMP dalam konteks peranannya sebagai universiti komuniti dan ejen transformasi

sosioekonomi melalui slogannya Memasyarakatkan Teknologi," tiba-tiba ketika berangkat menyempurnakan ACB 2017 di sini baru-baru ini.

Turut berangkat ialah Tengku Puan Pahang, Tunku Azizah Aminah Maimunah Iskandariah.

Yang hadir sama Pengerusi Lembaga Pengarah UMP, Datuk Seri Ibrahim Ahmad; Naib Canselor UMP, Prof. Datuk Seri Dr. Daing Nasir Ibrahim dan Ahli Lembaga Pemegang Amanah MyGift UMP, Datuk Mohd. Nizar Najib.

Pada majlis berkenaan, 94 pensyarah dan staf cemerlang menerima anugerah masing-masing.

Majlis berkenaan turut memberi pengiktirafan kepada pensyarah Fakulti Kejuruteraan Elektrik dan Elektronik UMP, Dr. Nurul Hazlina Noordin bagi Anugerah Akademik Universiti (AAU) dalam kategori Anugerah Ahli Akademik Harapan.

Sementara itu, Daing Nasir berkata, UMP komited meneruskan pengiktirafan kepada ahli-ahli akademiknya yang mencapai kecermerlangan dalam bidang penyelidikan dan penerbitan berimpak tinggi sebagai menghargai usaha mereka.

"Pengiktirafan itu dizahirkan melalui ACB 2017 yang sudah masuki edisi ke-10 bertemakan UMP 4.0: Redesigning The Future.

"Pemilihan tema berkenaan selari dengan komitmen universiti untuk muncul sebagai sebuah institusi pendidikan yang cemerlang dengan acuannya tersendiri di samping mempunyai pendekatan strategik," ujarnya.

Tambah beliau, edisi kali ini menunjukkan peningkatan sebanyak 22 peratus dari segi jumlah pencalonan kerana melibatkan semua kategori iaitu 490 berbanding 403 pencalonan pada edisi lalu.